



## CARA "A"..... CARA "B".

Dous paus separaron os de Ares de meterse nun partido do cal desapareceron na segunda metade.

Prados Velllos, 14 de decembro de 2013

### FICHA TECNICA

**NUMANCIA:** Agustín (Xaime), Darío, Marcelo, Jesús, Alberto, Martín, Pérez (Ángel), Couce (Isaías), Iván, Miguelito (C) (Miguel) e José Manuel (Roque).

*Adestrador:* Alejandro González Domínguez.

*2º adestrador:* Manuel Antonio Bardanca López.

*Delegado:* José Antonio Couce Iglesias.

**G. CARANZA "B":** Dopi, Romero, Alex (Javi Fernández), Javi González, Fer (C), Ferreño (Alberto), Yeray (Taboada), Aitor, Dieguito, David e Barreiro.

*Adestrador:* Pablo Mesa Morado.

*Delegado:* Pedro Garrote Hermida.

**ARBITRO:** Telmo Pérez Vázquez. Amoestou a Agustín, Miguelito e Ángel polo Numancia, polo Caranza tamén viron a cartolina amárela Alex e Barreiro.

### GOLES:

0 - 1: Javi González (min. 37), falta lateral en banda dereita sacada en curto con apertura ao pico do área e posterior centro, o balón bota no punto de penalti e Javi González &quot;o Kaiser de Limodre&quot; mete a cabeza para enviar o fondo da rede.

0 - 2: min. 72, Dieguito de penalti.

0 - 3: Taboada (min. 77), contragolpe do Caranza ao que sae Xaime nun man a man co dianteiro visitante, éste toca lixeiramente o balón fóra do alcance do porteiro local para a entrada en solitario de Taboada que remacha a porta baleira.

## RESUMO

Partido que comezaba co Caranza tomando a iniciativa e encerrando os de Ares no seu campo. Así foi durante os primeiros dez minutos de xogo nos que o Caranza dispuxo de dúas boas oportunidades para adiantarse, pero ambos os dous disparos cruzados afortunadamente para os de Ares marcharon fóra. A partir do cuarto de hora de partido os de Ares espertaron e começaron a aproximarse á área visitante. No minuto vintecatro unha falta lateral colgada á área e rematada primeiro por Martín e despois por Iván, supoñía a primeira aproximación de perigo dos de Ares, pero ambos os dous disparos estreláronse na defensa. Os de Ares neses momentos do partido xa estaban asentados, e os de Caranza xa non tiña tanto a posesión, nin tampouco chegaba con tanta facilidade, entrando o partido nunha fase de dominio alterno.

Con estas premisas chegabamos ao minuto trintasete cando dun remate de cabeza precedido dunha falta lateral "O Kaiser de Limodre&quot; pon por diante os de Caranza. Un minuto despois do gol, xogada dos de Ares por banda dereita con centro á área que rexeita a defensa ferrolana, o balón chega a Martín que abre a banda para a entrada de Marcelo, éste internase e dispara de vaselina estrelándose o balón no segundo pau. Un minuto despois desta xogada, falta na frontal que lanza Alberto e o balón estrélase no longueiro. O infortunio cebábase cos de Ares nestas dúas xogadas ao non ter a sorte de cara, e que posiblemente os tivese metido no partido. Co resultado de 0 - 1 chagabamos o descanso.

Na segunda metade, mal partido dos de Ares. O equipo local desapareceu do terreo de xogo

e viuse totalmente desbordado polo toque e a rapidez do Caranza que xogou prácticamente a pracer. Os de Ares, inoperantes en ataque e defendéndose con certa desorde, soportaron durante corenta e cinco minutos as acometidas dos ferrolanos, os cales chegaban con certa facilidade á área dispoñendo de numerosas ocasións, algunas delas desbaratadas polas intervencións de Agustín, o meta local. No minuto setenta e dous, penalti que transforma Dieguito no 0 - 2. E cinco minutos despois os ferrolanos saldan o partido nunha contra que materializa Taboada no 0 - 3 definitivo.